

### Pengertian Solat Berjemaah

Solat berjemaah ialah solat yang dilakukan lebih daripada seorang, atau secara beramai-ramai dengan diketuai oleh seorang imam.

### Lafaz dan Niat sebagai Imam

أَصَلَّى فَرَضَ الصُّبْحِ رَكْعَتَيْنِ أَدَاءً إِمَامًا لِلَّهِ تَعَالَى

Maksudnya:

*"Sahaja aku solat fardu subuh dua rakaat tunai sebagai imam kerana Allah Taala."*

### Lafaz dan Niat sebagai Makmum

أَصَلَّى فَرَضَ الصُّبْحِ رَكْعَتَيْنِ أَدَاءً مَأْمُومًا لِلَّهِ تَعَالَى

Maksudnya:

*"Sahaja aku solat fardu subuh dua rakaat tunai sebagai makmum kerana Allah Taala."*

---

### **Hukum menunaikan solat berjemaah:**

- Fardu kifayah bagi solat fardu
  - Fardu ain bagi solat Jumaat
- 

### **Kelebihan solat berjemaah:**

- Menambah khusyuk dalam solat
  - Beroleh pahala 27 kali ganda
  - Dicintai oleh Allah SWT dan Rasulullah SAW
  - Mengukuhkan ukhuwah sesama umat Islam
  - Mendapatkan keberkatan di dunia dan di akhirat
- 

### **Kepentingan solat berjemaah:**

- Meningkatkan semangat berpasukan dan kerjasama
  - Membentuk diri berdisiplin dan mematuhi ketua
  - Melatih diri menepati masa
  - Menambah rasa kasih sayang dan hormat-menghormati tanpa mengira darjat
- 

### **Syarat-syarat sah solat berjemaah:**

- Perbuatan zahir imam dan makmum sama
  - Makmum mengikut imam
  - Makmum mengetahui pergerakan imam
  - Makmum dan imam berhimpun dalam satu tempat tanpa berpisah
  - Makmum tidak tertinggal daripada mengikut pergerakan imam sebanyak dua rukun tanpa keuzuran atau tiga rukun panjang dengan keuzuran
  - Perbuatan sunat makmum dan imam tidak bercanggah secara ketara kecuali qunut
  - Makmum berniat mengikut imam
  - Makmum yakin solat imam sah
  - Solat imam bukan dalam kategori solat yang wajib diulang
  - Martabat imam dari sudut jantung tidak kurang daripada makmum
  - Imam tidak ammi (buta huruf) sedangkan makmum pula baik bacaannya
  - Imam yang diikuti tidak mengikut imam lain
-

## Makmum Muafik

### Pengertian

Makmum yang sempat berdiri betul bersama-sama dengan imam untuk tempoh bacaan Al-Fatihah dengan sempurnanya.

**Tindakan yang perlu dilakukan oleh makmum muafik yang tidak sempat menyempurnakan bacaan Al-Fatihah:**

- Jika makmum tidak sempat menyempurnakannya disebabkan halangan tertentu seperti bacaan makmum terlalu lambat, makmum tidak boleh rukuk bersama-sama imam. Sebaliknya, makmum hendaklah menyempurnakan bacaan Al-Fatihah terlebih dahulu sebelum rukuk.
- Namun, jika makmum terlalu lambat sehingga imam sudah berdiri semula untuk rakaat seterusnya, makmum hendaklah terus menyempurnakan bacaan Al-Fatihah. Walau bagaimanapun, rakaat tersebut masih dikira sebagai rakaat pertama baginya.

### Contoh

Makmum bertakbiratul ihram, sejeurus selepas imam bertakbiratul ihram, maka makmum hendaklah membaca Al-Fatihah sehingga sempurna.

## Makmum Masbuk

### Pengertian

Makmum yang tidak sempat berdiri betul bersama-sama dengan imam untuk tempoh bacaan Al-Fatihah dengan sempurnanya.

### Tindakan yang perlu dilakukan oleh makmum masbuk:

- Makmum terus bertakbir sambil berniat, berdiri sekejap dan terus rukuk bersama-sama dengan imam
- Jika makmum sempat rukuk serta tamakninah bersama-sama dengan imam, makmum memperoleh rakaat tersebut. Bacaan Al-Fatihah makmum dianggap selesai dengan bacaan imam
- Jika makmum tidak sempat melakukannya, makmum tidak memperoleh rakaat tersebut